

安南紀畧

劉憲孫著

欽定安南紀畧卷十三

正月二十五日

壬午孫士毅奏言，密查黎城地方

各處俱已收復，其迤南一帶與賊境毗連，中隔

江面數重，收復之後，今該國王黎維祁派出得

力人負帶領土兵前往該處防守，本年正月初

二日卯刻，據該國王向臣告知，據據防守事宜

稟報，有敵人過江追逐，不許伊等在彼防守，只

得退回，並傳稱阮惠揚言，黎維祁母子赴

天朝陳訴，以致大兵將我廣南富壽人殺戮數千，此仇必報，將來掣住黎維祁母子，必要洩恨等語。黎維祁向臣哀懇，只好挈母逃至內地，求

大皇帝賞飯一碗，以全性命，斷斷不願再做安南國

王等語。臣聞示大義，加以呵斥，黎維祁含淚而

去。臣遂與許世亨傳齊眾將告知，看此光景，阮

患已在中途，不久仍即佔據安南，特黎維祁母
子戕害我等，前此不即進搗，全因道遠糧艱，勢
難辦理。今既患既欲佔據安南，必親自前來，竟
是就我樊籠，未便因奉有撤兵。

諭旨置之不管。眾人同聲情願奮勇剿殺，斷不敢稍
涉退縮。遂派令總兵張朝龍挑送精銳兵三千
名及勇幹出色之將，俾即於正月初二日前進。

又令許世亨帶兵一千五百名，臣帶兵一千二百名，共五千七百名，先後接應。初三日，張朝龍途次，即遇見匪衆奮力剿殺，旋即敗退。黑夜又復前來。初四一日，一夜復蜂擁而至。我兵痛加殲戮，無不以一當十，殺死無算。於初五日五更復又敗去。詎黎維祁、阮惠親至，心膽俱裂，即手抱幼孩，隨同伊母逃過富良江，不及攜帶其妻。

百姓見此情狀俱慌張亂竄報至軍營阮惠已
聞信其勢愈張臣與許世亨等商酌此種情形大
兵不能站住惟有稟諭將弁人等決一血戰以答
主恩許世亨等遂各大呼直前鎗砲之後純用短兵
相接賊人伏尸層積何止數千我兵俱人人裹
血力戰所向披靡無如愈殺愈多將大兵四面
密圍臣率同將弁與提鎮等直赴前敵許世亨

以臣係總督大臣，非鎮將可比。設有疎虞，關係國體。再三勸阻，遂派副將慶成護送。並令千總薛忠將臣馬鞭牽挽。臣用鞭打喝禁誓，欲奮往辭。忠不肯放手。臣後思許世亨之言，有礙大體。因率領慶成等整隊殿後而出。因思提鎮處尚有兵五千餘名，猶不為少。此外黎城各江岸，尚有分駐兵三千餘名，必須將此項官兵分駐兩邊。

江面以待全師之出、及臣趕到江岸、則此分駐
之三千名、已經總兵尚維昇副將邢敦行參將
王宣等率同土田州岑宜棟一齊帶領另從他
路前赴接應、臣即同慶成等前至浮橋、將官兵
三百餘名劉住南岸、保守浮橋、詎賊匪已到江
岸、彼此放鎗敵住、轉瞬即懼有賊匪三、四千人、
官兵只三百餘名、衆寡不敵、適總兵李化龍帶

卷十三
四
兵二百餘名前來。臣即令其過江，佔住北岸，以便臣將南岸之兵歸併北岸。隔岸用鎗砲盡力抵禦。乃李化龍駐馬行至橋心，失足落江。所帶弁兵見總兵溺水，各各慌亂。臣無可如何，令副將慶成等回頭放鳥鎗。臣帶兵徐徐由浮橋撤至北岸，賊人乘勢追趕過江，均被我兵鎗砲打落江面。餘賊不敢過江。臣佔住北岸江口，滿

望授鎮回兵雖對岸現有賊匪而所帶官兵現有
有八千餘人賊匪斷難擋住我兵似尚易渡
江乃候至一日毫無消息而對岸賊人已多用
小船四散渡江各處上岸截我後路臣所帶官
兵只有數百名勢難前後受敵只得率同慶成
等三員回抵市球江賊船已有一二百隻在丰
里外停泊遙放大砲見我兵尚整不敢登岸進

逼查兩日以來，提鎮及各將備絕無音耗，或尚在黎城一帶，或另從太原一路由歸順州各隘進口，臣一得確信，立即加緊奏

聞。至駐劄白河市之滇省官兵三千餘名，雖先往持令往催，但思賊匪為數過多，滇兵三千餘名，斷不能抵禦。今粵兵已為賊匪隔截數處，萬一滇省官兵再有損失，更屬不成事體。已于初五

日下午令即送達次撤回宣光安邊等處聽信
矣。至黎維祁無能至此原不足惜但既經承受

皇上施恩未便一任阮惠掄拏快心臣現在令人趕

赴諒山南關一帶訪查黎維祁母子暫令進關

存活臣荷

皇上降恩委以重任不能及早歲功此次又因賊匪
數倍於我以至提鎮大員為賊圍裹未經得出

又因臣現帶之兵只有數百奪圍之後氣難再鼓未能後行救援惟有叩求

皇上將臣革職從重治罪以為調度乖方者戒至提

鎮等萬一竟遭戕害臣誓不與此賊俱生倘蒙

皇上遴選望重威隆大臣前往征討臣願自備資斧

請赴軍前帶罪効力以贖前愆況以賊勢鴟張

南溢尤應慎重嚴防臣擬往來諒山南關一帶

稽查彈壓探候提鎮之信再行具

奏臣昨在富良江北岸見對岸賊勢猖獗而提督

鎮將並未回至江邊當係已經失事不能撤出

曾手寫片紙令夷人持過江面交與賊目云此

次奉部堂欽奉

大皇帝命統兵出關原為收復黎城使黎維祁張

封起見今黎維祁又畏賊潛逃其人委靡不振

卷十三
七
不值再為扶持。是以撤兵入關。倘阮惠敢將未
經撤出官兵戕害一人。試思

天朝肯任爾一犯再犯。將就完事否。

大皇帝定即另派大臣統領官兵數十萬。四路進剿。
不滅不休。若阮惠將官兵好為送出。立自陳悔
罪緣由。尚屬能知順逆。或可仰邀

恩宥。禍福惟爾自擇。因事在匆迫。只此數語。令并奏

聞

同日孫永清奏言正月初七日臣赴寧明等辦
撤兵事宜行抵憑祥途次忽據隨營道員宋文
型等稟稱正月初二日總督派總兵張朝龍帶
兵堵禦賊匪初三日途次即經打仗剿殺數十
人拏獲九人餘賊竄去初四日復有賊來接仗
官兵施放鎗砲擊殺甚多而賊來愈衆是晚將

營盤四面圍住。經官兵奮力痛剿。賊後退去。旋
聞該國王黎惟祁同伊母逃過富良江。民情慌
亂。賊人敗而後來愈聚愈多。在富良江岸佔住
渡口。總兵李化龍墜江淹沒。其餘接仗官兵均
尚未經撤出等情。臣聞之甚為驚異。當即飛騎
馳回鎮南關。督率兵勇嚴密巡緝。並接應撤回
官兵等事。惟查沿邊三關百隘。道里綿長。處處